

SCRIPT OF EVENING GOJRI NEWS BULLETIN 21JUNE 1700 HRS

ایونینگ گو جری نیوز بلیٹن مورخہ 21 جون 2025

یوہ آکا شوانی جموں ہے طارق ابرار تے نصرت تیں خبر سنو۔

HEADLINES

- ۱۔ وزیر اعظم نریندر مودی نے کہیو ہے جے دنیا غا بکھ بکھ حصاں ماں بدھتا وائناؤ بدامنی تے عدم استحکام غے بشکار یوگا امن گو رستو پیش کرے۔
- ۲۔ لیفٹیننٹ گورنر منوسنہا نے یوگا غا عالمی تہاڑا غا موقع ور یوگا ماں دلچسپی رکھن آلا غے سنگ اک تقریب ماں شرکت کر غے اس تہاڑا ناٹھ منایو۔
- ۳۔ وزیر دفاع راج ناتھ سنگھ نے کہیو ہے جے آپریشن سندور دبشت گردی غے خلاف نواں بھارت غا عزم ناں ظاہر کرے۔
- ۴۔ وزیر اعلیٰ عمر عبداللہ نے کہیو ہے لوکاں نے اُنہاں ناٹھ 5 سال غو عوامی اختیار دتو ہے تے وے لوکاں غی امیدوار ور اُترن گی پوری کوشش کر رہیا ہیں۔
- ۵۔ جل شکتی غا وزیر جاوید احمد رانا نے محرم غا انتظامات گو جانیزو لیو۔

PM YOGA DAY

وزیر اعظم نریندر مودی نے کہیو ہے جے اج یوگا دنیا گا الگ الگ حصاں ماٹھ بدھ رہیا تناؤ بدامنی تے بے چینی گے بشکار امن گو رستو دے رہیو ہے تے اک پُر امن متوازن تے پائیدار دنیا ناں اگے بدھان واسطے سانجھی کوششاں ور زور دے رہیو ہے اُنہاں نے کہیو جے تنازعات تیں تعاون آلے پاسے رہنمائی کرنی چاہیے اُتر پردیش گا وشاکھا پٹنم ماں قدرتی ساحل گے کول گیا رھواں یوگا دن غی تقریب سنگ خطاب کرتا وزیر اعظم نے کہیو جے یوگا اک ٹھہراؤ گو عمل ہے جس ماٹھ انسانیت ناں ساہ لین توازن قائم کرن تے دوبارہ مکمل ہون گی ضرورت ہے اس موقع ور وزیر اعظم نے اس طرح کہیو وزیر اعظم نے کہیو جے اس سال گو موضوع اک زمین اک صحت واسطے یوگ، جہیزو یاد دلائے جے دنیا کس طرح موجودہ تے آن آلی نسلاں واسطے اک خوشگوار تے صحت مند مستقبل ناٹھ محفوظ بنان واسطے اکٹھی ہوئی وزیر اعظم نے مزید اس طرح کہیو۔

LG YOGA

لیفٹیننٹ گورنر جناب منوج سنہا نے یوگا ماں دلچسپی رکھن آلاں گے نال 11 ووں بین العقوامی یوگا دن غی تقریب ماں شرکت کی تے طے شدہ عام یوگا پروٹو کول گے مطابق آسن انجام دتا لیفٹیننٹ گورنر نے کہیو ہے جے اج گی تیز رفتار دنیا ہے اُنہاں نے کہی وجے یوگا تناؤ ناں کھٹ کرے تے زندگی گا معیار ناٹھ بدھانے اس سال بین العقوامی یوگا دن غو موضوع ہے اک زمین اک صحت واسطے یوگ، جہیزو انسانیت تے صحت واسطے جامع نقطہ نظر ناں ظاہر کرے۔ ایل جی موصوف نے لوکاں ناں روز مرہ گی سرگرمیاں ماں یوگا ناں شامل کرن تے دوجاں ناں خوشگوار زندگی گزارن واسطے یوگا گی مشق کرن گی ترغیب دین گی اپیل کی ہے۔

JK YOGA

ملک گا دوجا حصاں غی طرح جموں کشمیر بھر مانہہ وی 11ویں عالمی یوگا تہاڑو جوش خروش سنگ منایو گیو تے اس سلسلہ مانہ منعقد ہون آلی تقریبات ماں لوکاں غی خصیری تعداد نے شرکت کی عالمی یوگا تہاڑہ گا موقعہ ور عوامی پارکاں تیں لے غے سرکاری دفتران توڑی ماں یوگا گا آسن کرن تے اپنی ذہنی تے جسمانی صحت کی تندرستی ناں باہدو دین واسطے جمع ہوا اس تیں علاوہ مشہور سیاحتی مقامات ور خصوصی تقریبات گو اہتمام کیو گیو۔

صحت تے طبی تعلیم کی وزیر سکینہ اتو نے اج سی کے آئی سی سی سرینگر ماں 11ویں عالمی یوگا دنگا سلسلہ مانہ بڑا پیمانہ ور منعقدہ تقریبات کی قیادت کی اس موقعہ ور چیف سیکرٹری اتل ڈلو مچ سارا انتظامی سیکرٹری بکھ بکھ شعباں گا سربراہ تے خصیری تعداد مانہہ طلبہ بھی موجود تھا۔

جموں کشمیر تے لداخ غی عدالت عالیہ نے اج ہائی کورٹ کمپلیکس سرینگر ماں 11ویں عالمی یوگا دن جوش و خروش سنگ منایو تقریب گو افتتاح جموں کشمیر تے لداخ ہائی کورٹ گا چیف جسٹس جسٹس ارون پلی نے کیو۔

سانہہ ضلع مانہ بھی عالمی یوگا دن منایو گیو سانہہ ماں مرکزی تقریب رانی سوچیت سنگھ اسپورٹس اسٹیڈیم سانہہ ماں منعقد ہوئی آکاشوانی گا خبر آلا شعبہ سنگ گل کرتا واں ڈی سی سانہہ راجیش شرما نے کہیو جے یوگا ہر فرد واسطے مچ زیادہ فائدو مند ہے اُنہاں نے مزید اس طرح کہیو۔

ڈپٹی کمشنر رام بن محمد الیاس خان کی رہنمائی ماں محکمہ آیوش رام بن نے ضلع انتظامیہ دفتر رام بن ماں یوگا سیشن گو اہتمام کیو اس تقریب ماں مجموعی صحت غی دیکھ بھال تے پہلانی بہتری ناں باہدو دین غی خاطر برا پیمانہ ور یوگا سیشنز تے بیداری پروگرام شامل تھا۔ اس موقعہ ور بولتا واں سنئیر میڈیکل افسر تے خلع یوگا کواڈی نیٹر ڈاکٹر مسعود اقبال زرگر نے اس طرح کہیو۔

کشتواڑ مانہہ 11ویں عالمی یوگا دن چوگان میدان مانہہ جوش خروش سنگ منایو گیو جس مانہہ عوامی یوگا سیشن ماں 2ہزار افراد نے حصو لیو یاہ تقریب سویرے 6 بجے شروع ہوئی جس مانہہ مچ ساری شخصیات جن مانہہ ایم ایل اے شگون پریمہار ڈپٹی کمشنر پنکج کمار شرما ایس ایس پی نریش سنگھ وغیرہ وی موجود تھا۔

شری ماتا ویشنو دیوی شرانین بورڈ نے آرٹ آر لیونگ شری ماتا ویشنو دیوی سپورٹس کمپلیکس کٹرا مانہ منعقد تقریب ماں بولتا شری ماتا ویشنو دیوی شرانین بورڈ گا چیف ایگز کیوٹیو افسر انشل گرگ نے یوگا گا فائداں بارے لوکاں ناں جانکاری دتی۔

آل انڈیا ریڈیو گا علاقائی خبراں آلا شعبہ گا عملہ نے شعبہ گا سربراہ این گلشن رینہ کی رہنمائی ماں عالمی یوگا دن منایو تے یوگا کثرت ماں حصو لیو این گلشن رینہ نے تقریب ماں مجازی طریقہ سنگ شرکت کی اس موقعہ ور اُنہاں نے عملہ کی تعریف کی تے لوکاں ور اپنی زہنی تے جسمانی صحت ناں بہتر بنان واسطے یوگا ناں اپنی روز مرہ زندگی ماں شامل کرن ور زور دتو۔

ضلع انتظامیہ ریاسی نے عالمی یوگا دن گا موقعہ ور مشہور چناب ریل پل ور خصوصی یوگا سیشن گو اہتمام کیو چناب ریل پل دنیا گو سب تیں اچو ریلوے پل ہے اس پل ور منعقد کی گئی تقریب ماں سول انتظامیہ شمالی ریلوے سی آر پی ایف گا افسراں گے نال نال لوکاں تے یوگا ماں دلچسپی رکھن آلا افراد نے شرکت کی۔

DEFENCE MINSITER

وزیر دفاع راجناتھ سنگھ نے کہیو کہ آپریشن سندھور نے دہشتگرداں تے اُن غا سرپرستان نانہ ایک زبردست پیغام دتو ہے کہ نوو بھارت بُن دہشتگردی غو شکار نی بنے غو بلکہ طاقت تے حکمت عملی غے نال جواب دے غو۔ ادھمپور مانہ منعقد بینالعقوامی یوم یوگا غی تقریب تیں خطاب کرتا واں وزیر دفاع نے دہشت گرداں غا ڈھانچہ نانہ پاکستان تے آزاد کشمیر مانہ تباہ کرن مانہ افواج تے خفیہ ایجینسیاں غی بے مثال ہم آہنگی درستگی تے بہادری نانہ سہرایو۔

CM BRIDGE

وزیر اعلیٰ عمر عبداللہ نے اج گاندربل، گڈورہ ماں سندھ نالہ ور 50 میٹر لمبا سٹیل ٹرسٹ گرڈر پُل گو نیں پتھر رکھیو۔ 7 عشاریہ 56 کروڑ روپیاں گی لاگت گا اس منصوبہ گامکمل ہون سنگ مقامی لوکاں واسطے رابطہ گی سہولت بہتروے گی۔ اس موقعہ ور خطاب کرتاں وزیر اعلیٰ نے کہیو جے وے لوکاں گی اُمنگاں ور پورو اُترن کی پوری کوشش کر رہیا ہیں۔ اس موقعہ ور Byte عمر عبداللہ نے مزید اس طرح کہیو۔

Rana

جل شکتی گاوزیر جاوید احمد رانا نے اج سرینگرگا شیعہ اکثریتی علاقاں گو دورو کیوتانجے محرم گاجلوس پُرامن تے بہتر طریقہ سنگ انعقاد وے۔ انہاں نے اُت انتظامات گوجائزو لیو۔ اُن گے ہمراہ زڈی بل گا ایم ایل اے تنویر صادق تے مختلف محکماں گا اعلیٰ افسروی موجود تھا۔ انہاں نے بھگوان پورہ، نواباغ گلشن باغ تے سیدہ کدل گودورو کیو۔ جناب رانا نے تمام محکماں گے درمیان قریبی رابطہ گی اہمیت ور زور دتو تانجے تمام انتظامات بروقت مکمل کیا جاسکیں۔

BGSBU

بَآبَا غلام شاہ بادشاہ یونیورسٹی راجوری نے ایک اہم تعلیمی پیش رفت کرتاں واں، بی اے اکنامکس پروگرام گا آغاز کواعلان کیو ہے۔ یوہ پروگرام یونیورسٹی مانہ پہلاں تیں جاری ایم۔ اے تے پی ایچ ڈی کورس گے نال جڑ گے اک مکمل تعلیمی سلسلو فراہم کرے گو۔ اس نواں گریجویشن کورس ناں اس انداز مانہ ڈیزائن کیو گیو ہے کہ طلباء ناں اکنامکس گا بنیادی، نظریاتی تصورات تے عملی پہلوواں گی گہری سمجھ حاصل وے گی۔ اس بارہ مانہ Byte شعبہ گافیکلٹی ممبر ڈاکٹر شوکت میر نے اس طرح کہیو۔
